









An den Durch  
 leuchtigen Hochgebor  
 nen Fürsten vnd Herrn/ Herrn  
 Albrechten/ Marggraffen zu  
 Brandenburg/ inn Preu-  
 ssen ꝛc. Hertzogen ꝛc.  
 Ein Handbrieff Doct.  
 Mart. Luth. Wid-  
 der ettliche Kotten-  
 geister.  
 Wittenberg.  
 M D XXXII.





An  
S  
1

**A**

vnd so  
haben  
vnd n  
demü  
zug g  
noch  
schrei  
den d  
abern  
geden  
dem/  
druck  
dern  
nen v  
noch  
werd



An den Durchleuchtigen Hoch-  
gebornen Fürsten vnd Her-  
ren / Herrn Albrechten /  
Marggraffen zu Brandenburg /  
inn Preussen ꝛc / Dertzogen ꝛc.



Nad vnd fried inn  
Christo vnsern Herrn vnd  
Heiland. Durchleuchtig-  
ger Hochgeborner Fürst /  
Ewer F. G. schrift vom Sa-  
crament / vnd dem sechsten  
Capittel Johannis / hab ich  
entpfangen vnd vernommen /  
vnd solt E. F. G. wol lengst darauff geantwort  
haben / So hats die schwacheit meines heupts /  
vnd noch imer verhindert / Derhalben ich bitt  
demütiglich E. F. G. wolten mir solchen ver-  
zug gnediglich zu gut halten / Denn ichs auch  
noch itzt hab müssen tichten / vnd einen andern  
schreiben lassen / Ich hats aber wollen durch  
den druck lassen ausgehen / den Schwermern  
abermal da mit anzuzeigen / das ich nicht mehr  
gedencke mit in von der sache zu handeln / neben  
dem / das ich besorget / es möcht doch sonst inn  
druck komen / vnd weil es nicht mein feder ist / son-  
dern mein tichten / vnd derhalben vielleicht mei-  
nen vorigen schriften nicht gleich / Es möcht  
noch erger geraten vnd vnuleisiger ausgelassen  
werden.

A ij Vnd



Vnd das ich E. S. G. auff's kurtzest antwor-  
ten/so ist's war/das Johannis am sechsten/Chri-  
stus nichts redt vom Abendmal/ handelt auch  
nichts mit den henden/ reichet auch kein brot  
nicht da/ noch wein/ seinen Jüngern/ wie er im  
abendmal thut/sondern thut eine freye predigt/  
beide den Jüngern vnd vnglaubigen zu Caperna-  
um/von dem glauben an in/Welcher glaub es da-  
für helt/das er warhafftiger mensch sey/fleisch  
vnd blut hab/vnd die selben beide für vns gege-  
ben/welches heist eigentlich sein leib geistlich  
essen vnd sein blut geistlich trincken/vnd nennet  
sich auch ein geistlich brot/das der wellt das le-  
ben gibt/Solch essen vnd trincken kan wol ge-  
schehen anßer der Tauff vnd Sacrament/allein  
im glauben/vnd durch das gepredigt wort des  
Euangelij/vnd kan auch kein gottloser also essen/  
So wenig als ein gottloser kan zu gleich glauben  
vnd zu gleich gottlos bleiben/denn er spricht da-  
selbest/Wer dis brot ist/der hat das leben/vnd  
aber mal/Wo jr nicht essen werdet von dem  
fleisch/vnd trincken von dem blut des menschen  
Sons/so werdet jr kein leben jnn euch haben/Da-  
rumb müßens eitel glaubige sein/die Johannis  
am sechsten essen/Denn sie sollen das leben ha-  
ben/sagt Christus.

Vnd ist die Summa gesagt/Wer glaubet an  
Christum der wird selig/Aber im Abendmal/  
können beide würdig vnd unwürdig essen/Wie  
Sanct Paulus klerlich anzeigt/an der ersten  
zum

zum C  
ren br  
trinck  
umb k  
Johan  
ein gr  
am sec  
ein gei  
im Ab  
den gl  
de dem  
wie da  
geistli  
er gei  
entpfe  
glaub  
gleich  
das si  
daml  
dern  
aber d  
heilsa

am se  
gen f  
er spr  
meint  
es do  
verh



zum Corinther am elfften Capittel/ Wer des Herren brot unwirdig ist / vnd den kelch unwirdig trinckt / der isset vnd trincket jm das gericht / Dar umb können sie nicht alle das leben essen / wie sie Johannis am sechsten essen müssen / Derhalben ein grosser vnderscheid ist zwischen Johannis am sechsten vnd dem Abendmal / denn ihesus ist ein geistlich essen / on das leiblich essen / Aber hie im Abendmal ist ein geistlich essen / doch allein den glenbigen / vnd daneben ein leiblich essen / beyde den glenbigen vnd vnglenbigen gemein. Gleich wie das Euangelium glenben vnd hören / ist ein geistliche tauff / da wir durch den geist vnd fewer geistlich getaufft werden / allein den glenbigen entpfenglich / Aber die leibliche Tauff ist beyde / glenbigen vnd vnglenbigen gemein / vnd doch gleich wol ein rechte Tauff in allen beiden / on das sie den vnglenbigen kein nütz ist / sondern verdammlich / Gleich wie der name Gottes jm andern gebot der einige rechte name Gottes ist / aber doch schedlich dem so sein misbraucht / vnd heilsam dem / der in anrufft im rechtem glauben.

Vnd wie wol ettliche den text Johannis am sechsten Capittel auff's Sacrament zubesteten führen / vnd dringen auff das wort / dabo / da er spricht / Mein fleisch das ich geben werde / vnd meinen es solt ein verheissung sein des Sacraments / so er hernach eingesetzt hat / So schlenst es doch nicht / denn er meinet mit dem dabo oder verheissung / das er wolle seinen leib jm den todt

A ij für vns



für vns vberantworten / vnd sein blut für vnser  
sunde vergiessen / Weiter kan man nicht eraus  
zwingen / aus obgesagter ursach / da kein gottlo-  
ser kan geistlich Christus fleisch essen / odder sein  
blut trincken / das ist glauben wie er wol thun kan  
im Abendmal vnd on glauben den leib vnd blut  
Christi mündtlich entpfahen.

Doch hie mit wir nicht verdammen die De-  
ter vnd lerer / so Johannis am sechsten Capittel  
zum Abendmal gebraucht vnd gefüret haben /  
wie sie wol mehr spruche offtmals vneben füren /  
Denn ire meinung ist doch ja recht vnd gut / das  
sie da mit bezeugen / Es sey warhafftig fleisch  
vnd blut Christi im Abendmal / Darumb ist in  
wol für gut zu halten / ob sie ettwā die spruch  
nicht gleich treffen / weil sie gleich wol damit  
ire meinung gewaltig vnd klerlich anzeigen /  
Aber die artickel des glaubens zu erhalten / mus  
man die sprüche gewis haben im rechten einfelti-  
gen synn / Welchs nicht not ist / wo man schlecht  
hin predigt odder vermanet.

Nu habe ich droben gesagt vnd vormals  
mehr / das ich der Schwärmer hinfurt müßig ge-  
hen wil / vnd sie dem vrteil Gottes befolhen la-  
ssen sein / Denn ich vnd viel ander diese sach vom  
Sacrament so gründtlich vnd gewaltiglich ge-  
trieben haben / vnd jr faul geschwetz so klerlich  
verlegt / das sie selber gar viel sprüche vnd stücke  
haben müssen nachgeben vnd einrewmen / Dar-  
auff sie doch am ersten gantz halstarrig bestun-  
den / Da

den / Da  
das sie  
ertichte  
noch he  
plauder  
spruch  
ein ande  
schweig  
wenn er  
schrifft  
in doch  
de / ob  
auch / s  
vnd die  
das ma  
vngedr  
mercken  
haben /  
ben hab  
hen von  
den vnt  
finiren  
essen sey  
gestalt  
lichen  
noch set  
am erste  
lente / in  
greiffen  
sey / Da  
vnd wer



den/Damit beweist wird/ als aus der erfahrung/  
das sie jre sach aus vngewissem grund/vnd eigen  
ertichten gedancken haben fur gebracht / vnd  
noch hentiges tags nicht auff hören können zu  
plaudern / sondern wenn sie ein argument odder  
spruch verlieren / gröbeln vnd sūchen sie immer  
ein anders / vnd richten jre sache auff nicht stille  
schweigen / Gleich wie der Teuffel jr meister /  
wenn er einen heiligen man nicht kan mit kunst /  
schriffte odder gewalt vberwinden / so macht er  
jn doch mit seinem vnableslichem anhalten mü  
de / ob er also gewinne künde. Also meinen sie  
auch / sie wollen ein ewig Disputiren treiben /  
vnd die leute mit plaudern vnd dōnen ein treiben /  
das man die weil nicht sehen sol noch hören / wie  
vngegründt ding sie fürgeben / vnd niemand sol  
mercken / wie viel sprüche vnd stücke sie verloren  
haben / Auch so viel bücher sie bisher geschrie  
ben haben an allen orten / vnd trefflich geschrie  
ben vom geistlichen essen / Ist doch jr keiner fun  
den vnter jn allen / der do richtig vnd deudlich de  
finiren odder hette sagen können / was geistlich  
essen sey / odder wie es doch mit dem glauben ein  
gestalt habe / sondern plaudern immer vom geist  
lichen essen / vnd wissen weder was sie sagen  
noch setzen / Wie Sanct Paulus spricht / Thimo.  
am ersten / Denn es sind vnersarne vnuersuchte  
leute / im geist / das es jnen vnmüglich ist / zube  
greiffen / was geist / geistlich essen / odder gleben  
sey / Darumb ist nicht weiter mit jn zu handeln /  
vnd wer von jn wil vnbetrogen sein / der hat aus  
vnsern

ür vnser  
ht eraus  
gottlo  
oder sein  
hun kan  
nd blut

die De  
Capittel  
haben /  
führen /  
at / das  
fleisch  
b ist in  
sprüch  
damit  
eigen /  
mus  
infelti  
blecht

r mals  
ffig ge  
en la  
h vom  
ich ge  
lerlich  
stücke  
Dar  
estun  
Da



vnsern büchern so viel vnterricht/ das er sich jres  
plauderns wol erwerben kan.

Der halben ist mein trewer Christlicher  
rat/ L. S. G. gehe jrer auch müßig/ denn do ist  
kein end Disputirens vnd plauderns/ sie lassen in  
nicht sagen/ vnd hören nicht/ wissen auch nichts  
zu sagen/ vnd leren auch nichts/ Vnd L. S. G.  
lassen solchs nicht meinen rat sein/ als aus mir  
gewachsen/ sondern des heiligen Geists/ der al-  
ler hertzen vnd alle sachen bas kennet denn wir/  
Der selb hat vns solchen rat gegeben/ durch sein  
aus erwelt zeugt Sanct Paulum Titi am dritten/  
do er spricht/ Einen Ketzerischen menschen solt  
du meiden/ wenn er ein mal odder zwir vermanet  
ist/ vnd solt wissen (spricht er) das er verkeret ist/  
vnd hat sein vrteil zc. Nu sind sie nicht ein mal  
odder zweij mal vermanet/ sondern da zu jnn vie-  
len stücken vnd sprüchen vberwunden/ vnd wol-  
len dennoch nicht ablassen/ Darumb ist gewis/  
wie Sanct Paulus sagt/ das sie verkeret sind vnd  
hilfft kein vermanen mehr/ viel weniger hilfft  
viel Disputirn/ vnd on auff hören mit in plau-  
dern/ Vnd aber mal spricht Sanct Paulus/ an  
der andern Thimo. am andern Capittel/ Lere sie/  
das sie nicht vmb wort zanken/ welchs kein nütz  
ist/ on das er die zuhörere abwendet/ Das ist ja so  
viel gesagt/ das mit den Kotten viel Disputiren/  
nicht allein vnfruchtbar ist bey jnen/ sondern  
auch schädlich bey den zuhörern/ die do durch/  
wenn sie gleich nicht versürt werden/ dennoch ge-  
ergert vnd abgeschreckt werden.

Solchen

S  
nicht v  
sonder  
Der v  
vnd jre  
bereit a  
beweis  
hen/ v  
troffen  
allen S  
war be  
achtun  
den im  
Des g  
das sp  
welt g  
ruhe in  
Cain/  
plagt.  
en/ Z  
nung ge  
lich st  
kert/ V  
Paulu  
glenbe  
D  
noch Z  
Gott g  
digen  
die wi  
dern m



Solchen rat des heiligen Geists müssen wir nicht verachten/ noch vns an jr rhümen keren/ sondern sie immer lassen hin faren/ vnd sie meiden/ Der vns so hat geraten/ der wird sie wol finden/ vnd jren rhum zu schanden machen/ wie er denn bereit an/ mit der that vorgenommen hat/ solchs zu beweisen vnd beweren/ Denn wir haben ja gesehen/ wie er den Müntzer/ vnd seine gesellen hat getroffen/ vnd sie zum schrecklichen exempel gesetzt allen Schwermern vnd Rottengeistern. Denn es war bey in auch eitel rhümen des geists/ vnd verachtung der Sacrament/ aber es hat sich gefunden im auserich/ was für ein geist gewesen sey/ Des gleichen hat er den Karlstat sind der zeit er das spiel angefangen hat/ hin vnd her inn der welt geiecht/ vnd kein stat für seinen leib/ noch ruhe inn seinem hertzen gelassen/ wie ein rechten Cain/ mit zittern vnd furcht gezeichnet vnd geplagt. Vnd nu neulich die arm leut inn Schweitz en/ Zwingeln vnd die seinen auch mercklich gemung gestrafft/ dar an sich die Rotten geister billich stossen solten/ Aber sie sind verstockt/ verkert/ Vnd suo iudicio condemnati/ sagt Sanct Paulus. Sie wollens alle erfahren vnd keiner glauben.

Vnd wie wol wedder die Müntzerischen noch Zwingelischen glauben wollen/ das sie von Gott gestrafft sind/ sondern halten sie/ vnd predigen sie aus für merterer/ So müssen wir doch/ die wir wissen/ das sie inn diesem artickel vnd andern mehr/ schwerlich geirret haben/ solche straffe Gottes

B



ffe Gottes erkennen / vnd da für ansehen / nicht  
das wir vns freuen ires vnglücks / das vns von  
hertzen leid ist / vnd allezeit gewesen / sondern das  
wir das zeugnis der warheit Gottes nicht lassen  
können / sind sie selig worden / wie das selb Gott  
nicht vnmöglich ist / einen menschen an seinem  
letzten ende / inn einem augenblick zubekeren / das  
gönnen vnd wünschen wir in / von grundt vnsers  
hertzen / Aber Werterer zu machen / da gehört  
mehr zu / denn schlecht selig werden / Nemlich ein  
gewisse Göttliche sache / Darumb sie leiden vnd  
sterben / welchs hie sich nicht findet / denn wir  
auch die vbeltheter / so durch öffentlich gericht  
gestrafft / odder abgethan werden / zur hellen  
nicht verurteilen / Aber darumb keine merterer  
daraus machen. Vnd mich verwundert / das die  
vberigen Müntzerische vnd Zwingelische / sich  
so gar nicht keren an solche Gottes ruten / das sie  
nicht allein verbertet bleiben inn irem irtumb / son  
dern das sie solche ruten deuten für eine ruten  
der Werterer / vnd sich noch rechtfertigen / vnd  
den heiligen Werterern vergleichen / Aber es ist  
das gemeine exempel aller gottlosen / da von der  
Prophet Jesaias vnd ander Propheten offft sa  
gen / Non est reuersus populus &c. Das volck be  
keret sich nicht zu dem der sie schlegt / Gleich wie  
die Juden / nu lenger denn tausent jar her nicht  
glauben / das sie von Gott gestrafft vnd verstöret  
sein vmb Christus willen / den sie gecreuzigt ha  
ben / sondern jmer fort vnd fort rhümen / sie sind  
das heilige volck Gottes / Also auch der Bapst  
mit den

mit de  
Gott  
chen a  
mit w  
fertige  
liche  
lichem  
sey Go  
sunder  
mus /  
N  
der die  
grosses  
schen  
bleiben  
verdan  
ffelten  
Des si  
vnd ste  
ein stra  
rhüme  
vnd all  
sperrt  
Welch  
nem re  
rer zw  
seiner  
gerech  
men v  
solcher  
N



mit den seinen/ keren sich nichts dar an / das sie  
Gott mit so mancherley wunder/plagen/vnd zeich-  
chen an vnderlas angreiffet / sondern faren fort /  
mit wüeten vnd toben / lestern Gott / vnd rechts-  
fertigen sich selber / wollen die heilige Christ-  
liche Kirche sein / inn jrem vnbusfertigen schend-  
lichem leben / des heiligen geists kinder sein / es  
sey Gott lieb odder leid / Das heissen die rechten  
sünden inn den heiligen geist / die man faren lassen  
mus / wie Christus seine Jüden .

War istz / das der sieg der Schweitzer wid-  
der die Zwingler nicht fast frölich / noch solches  
grosses rhums werd ist / Weil sie den Zwingeli-  
schen glauben / wie sie es nennen / inn jrem fürtrag  
bleiben lassen / vnd solchen jrthumb gar nichts  
verdammten / sondern neben jrem alten vngeweis-  
ffelten glauben / wie sie sagen / hin gehen lassen /  
Des sich die Sacramentischen velleicht trösten  
vnd stercken / Aber doch mus man greiffen / das  
ein straff Gottes sey / von welcher sie sich nicht  
rhümen können / sondern da mit jren widderteil /  
vnd allen gottlosen Papisten / das maul auff ge-  
sperret / vnd ursache zu rhümen gegeben haben /  
Welchs beiden teilen / besorge ich / entlich zu ei-  
nem rechten vrteil Gotes fordern wird / Ein merte-  
rer zwar kan sich auch nicht rhümen für der welt  
seiner straff / doch weil er sich rhümen kan seiner  
gerechten sachen für Gott / so kan er sich rhü-  
men vnd frewen seins vnschuldigen leidens / vmb  
solcher gütten sachen willen .

Weil denn Gott so gewaltig drein zeichent

D ij vnd mit

*Rhüm der Martin*



Arculus de Sa  
Cramelo fundat  
in Synon no  
hoaus

Testimonium etc

Consensus  
Catholice  
etc

vnd mit der straff tethlich solchen irthumb ver-  
dammet/vnd vnsern glauben bestettiget/so ist es  
zeit das man auffhöre zu zweiffeln vnd zu  
Disputiren. Auff das er nicht zu hoch versuche  
werde/vnd zu letzt wir irer straffe vnd plage auch  
teilhafftig werden/ Zu dem/so ist dieser Artikel  
nicht eine lere odder auff satz ausser der schrifft  
von menschen ertichtet. Sondern klerlich im  
Euangelio durch helle/ reine/ vngeweiffelte  
wort Christi gestift vnd gegründet/ vnd von an-  
fang der Christlichen Kirchen/jnn aller Welt bis  
auff diese stund eintrechtiglich geglenbet vnd ge-  
halten/Wie das aus weisen der lieben Deter bü-  
cher vnd schrifft/ beide Griechischer vnd Lati-  
nischer sprache/ Da zu der teglich brauch vnd  
das werck mit der erfahrung/bis auff diese stund.  
Welchs zeugnis der gantzen heiligen Christlich-  
en Kirchen (wenn wir schon nichts mehr hetten)  
soll vns allein genugsam sein bey diesem Artikel  
zubleiben/vnd dar vber keinen Kottengeist zu hö-  
ren/nach zu leiden. Denn es ferlich ist vnd er-  
schrecklich/etwas zu hören odder zu glauben wid-  
den das eintrechtig zeugnis/glauben/vnd lere der  
gantzen heiligen Christlichen Kirchen/so von an-  
fang her/ nu vber funfftzeben hunder jar jnn al-  
ler Welt eintrechtiglich gehalten hat. Wenns  
ein new Artikel were/ vnd nicht von anfang  
der heiligen Christlichen Kirchen/ odder wer-  
nicht bey allen Kirchen/ noch bey der gantzen  
Christenheit/ jnn aller Welt so eintrechtiglich  
gehalten/ were es nicht so ferlich noch schreck-  
lich da

lich da  
recht t  
die ga  
ten ist  
als gl  
damp  
stliche  
dern a  
Prop  
(Ich  
gründ  
Christ  
enuch  
jnn de  
tel/  
feste  
widd  
dem t  
achte  
en/v  
ein a

wolt  
leide  
gen  
ssen l  
den z  
verk  
grew  
meh



lich da von zu zweiffeln odder Disputiren/ ob es  
recht sey/ Nu er aber von anfang her/ vnd so weit  
die gantze Christenheit ist/ eintrechtiglich gehalten  
ist/ wer nu dran zweiffelt/ der thut eben so viel  
als glaubet er kein Christliche Kirche / vnd ver-  
dampt damit nicht allein die gantze heilige Chri-  
stliche Kirche/ als eine verdampfte Ketzlerin/ Son-  
dern auch Christum selbs mit allen Aposteln vnd  
Propheten / die diesen Artikel da wir sprechen /  
( Ichglaube eine heilige Christliche Kirche ) ge-  
gründet habe/ vnd gewaltig bezenget / Nemlich  
Christus Matthej am letzten / Sibe ich bin bey  
enich bis an der Welt ende. Vnd Sanct Paulus  
inn der andern zun Timotheo am andern Capit-  
tel / Die Kirche Gottes ist ein seule vnd grund-  
feste der warheit. Auch zeugt jr eigen opinio  
widder sie selbst/ das sie widder einander vber  
dem text so vneinig sind / vnd schier sieben odder  
achterley/ so viel text/ so viel Kotten sind/ mach-  
en/ vnd können nichts gewisses leren/ noch irgent  
ein armes gewissen bestendiglich berichten .

Der halben vermane ich vnd bitt E. F. G.  
wolt solche leut meiden/ vnd sie im lande ja nicht  
leiden/ nach dem rat Sanct Pauli/ vnd des heill-  
gen Geists/ droben angezeigt/ Denn E. F. G. mü-  
ssen bedencken/ wo sie solche Kottengeister wü-  
den zulassen vnd leiden/ so sie es doch weeren vnd  
verkommen können/ würden sie ire gewissen  
grewlich beschweren/ vnd vielleicht nimmer  
mehr widder stillen können/ nicht allein der selen  
B iij halben



halben/die da durch verfür vnd verdampft wür-  
den/welch E. F. G. wol hette können erhalten/  
sondern auch der gantzen heiligen Kirchen hal-  
ben/widder welcher/so lang hergebracht/ vnd  
allenthalben gehalten glauben / vnd eintrechtig  
zeugnis etwas zu leren gestatten / so mans wol  
künde weren / ein vntreglich last ist des gewis-  
sens / Ich wolt lieber nicht allein alle Kottens-  
geister / sondern aller Keiser / König vnd Fürsten  
weisheit vnd recht / widder mich lassen zeugen /  
denn ein jota odder einen tüttel der gantzen heil-  
gen Christlichen Kirchen / widder mich hören od-  
der sehen . Denn es ist ja nicht so zuschertzen mit  
Artickeln des glaubens / von anfang her / vnd so  
weit die Christenheit ist / eintrechtiglich gehalten  
Wie man schertzen mag mit Bepflichen / odder  
Keiserlichen rechten / odder andern menschlichen  
tradition der Veter odder Concilien .

Solchs hab ich E. F. G. wollen kurtzlich  
vnd demüttiglich gutter Christlicher meinung  
antworten / Christus vnser trewer Heiland wolt  
E. F. G. mit seinem heiligen Geist reichlich er-  
leuchten vnd stercken / zu glauben vnd zu  
thun nach seinem lieben heiligen  
wort / A M E N .

E. F. G.

Williger

D. Martinus Luther.



Gedrückt zu Mittemberg  
durch Nickel Schirz  
lentz.

pt würz  
halten/  
en halz  
en/vnd  
rechtig  
ns wol  
s gewi  
Kottens  
Fürsten  
ngen/  
a heili  
ren od  
en mit  
vnd so  
halten  
odder  
lichen

tzlich  
nung  
wolt  
h erz  
zu

her.



Handwritten text, likely bleed-through from the reverse side of the page. The text is faint and difficult to decipher but appears to be arranged in several lines.






In un...  
suffi...  
admanit...

In un...  
admanit...








*Faint handwritten text in cursive script, likely in German, located at the top of the book cover.*





1004  
Georgs-B.

















An den Durchleuchtigen Hochgeborenen

